

JIPUZKOAN		NAFARROAN	
129	1813	334	555
positibo berri	hildako EAEn	positibo berri	hildako
9394	49	14560	20
positibo guztira*	UCIn EAEn	positibo guztira	UCIn Nafarroan

*HERNANIN 301, ASTIGARRAGAN 53

Pintxo-potea, sagar muztioaren elaborazioa eta kirrikoketa tailerra, hiru egunetan zehar

XXgarren Sagar Uztarekin hiru egunez sagardoaren mundua hobeto ezagutzeko aukera izango da. Egitarau zabala da aurtengoa, eta hainbat jarduera antolatu dituzte. Plazak mugatuak dira eta aurrez izena eman behar da.

ASTIGARRAGA SAGARDOA

Datorren ostegunean, larunbatean eta igandean XXgarren Sagar Uzta 2020 ekitaldia ospatuko da Astigarragan. COVID-19a dela eta, festa hau egoera berrira moldatu da, eta segurtasun neurri guztiak errespetatuz eta edukiera mugatuz, jarduera ezberdinak antolatu dira, herritarrek sagarraren uzta garaia ospatzeko: sagar muztioaren elaborazioa familiar, helduentzako kirrikoketa tailerra eta sagardo sagarren kata.

XXgarren Sagar Uzta 2020 ekimena Astigarragako tabernek eskainiko duten sagarraren eratorriekin egindako pintxo-pote bereziarekin hasiko da ostegunean. «Aurtengo egitaraua, ordea, egoera berrira moldatu eta

COVID-19ak ezarritako segurtasun neurri guztiak bermatuz ospatuko da», azaldu dute antolatuzaileek. Ondorioz, Astigarragako Foru plazan ospatu ohi diren sagar muztioaren elaborazio lanak Sagardoetxean egingo dira, irailaren 26 eta 27an herriko familien partaidetzarekin, talde txiki eta txanda ezberdinetan antolatuta, eta Goldea Herri Kirol Elkartearen laguntzarekin.

Egiteko ugari, azken egunean Igandeen, irailaren 27an, sagar muztioaren elaborazio lanak familiar giteaz gain, helduentzako kirrikoketa tailerra eta sagardo sagarren kata ere izango dira, Sagardoetxean. Goizeko 10:30etatik 12:30etara bitartean izango dira lehenengo bi jarduerak, eta



Joan den urtean ere egin zuten bisita gidatua, Sagardoetxean.

12:00etatik aurrera egingo dute sagar kata.

Aipaturiko jarduera hauen plazak mugatuak izango dira eta beraz, sagar muztioaren elaborazio lanetan, kirrikoketa tailerrean eta sagar katan parte hartu nahi duten herritarrek, aurrez izena

eman beharko dute, www.sagardoarenlurraldea.eus webgunean sartuta.

Hiru egunetan zehar egingo diren jarduek derrigorrezkoa izango da maskarilla erabiltzea eta higie eta segurtasun neurri guztiak behar bezala betetzea. K

Hainbat obra egiteko kontratuak esleitu ditu Udalak, eta urrian hasiko dira birgaitze lanak

Obra guztiak urrian hasteko erabakiarekin batera, beste hainbat zehaztapen ere egin ditu Udalak: diru-laguntzak, garbiketa indartzea eta abar.

ASTIGARRAGA OBRAK

Joan den astean izandako Tokiko Gobernu Batzarrak, herri mailan obra garrantzitsu batzuk egiteko kontratuak esleitu zituen. Guztira lau izango dira urrian zehar egingo dituzten birgaitze lanak, eta Santiomendin, Perurenako auzo lokalean eta pump track pistetan egingo dira.

Datorren hilabetean egingo den birgaitze lanetako bat Santiomendiko auzoa hiritartzea izango da. Obra hauetan euri urak jasotzeko ubidea berritu, argiteria publikoa eta telekomunikazioak lurpetik pasa eta errepidea berrituko da. «Auzoari onura ugari ekarriko dizkion lanak izango dira», azaldu zuen Udalak.

Urrian, baita ere, DBH-San-

tiomenditik Mendiandira doan linea elektrikoa lurperatzeko lanak egingo dira. Izan ere, Mendiandi-Aranibarreko orubean DBHko ikastetxea eraiki ahal izateko hainbat urbanizazio lan egingen ari da Udalak; besteak beste, orubea zeharkatzen duen linea elektrikoa lurperatzeko lanak.

Bestalde, Perurenako bizilagunek egindako eskariari erantzun nahi izan dio Udalak, eta Perurenako auzo lokala egokitu eta berritu egingo da: instalazioak, komunak, eta bestelakoak. Eta azkenik, urtea amaitu baino

lehen, pump truck pista egingo dute. Lehenik pistaren proiektua idatziko dute, eta gero hasiko dira proiektuaren obrarekin.

Beste zenbait gai Udalak eraikinak garbitzeko kontratua aldatu du. «Aldaketa hau bereziki, koronabirusaren ondorioz udal eraikinetako garbiketa zerbitzua indartzeko egin da», azaldu dute. Eta bestetik, hainbat diru-laguntza ematea onartu du: Gazte Asanblada, SagarArte, Herri Eskola eta Danak Bat Ergobiko kultur elkarteak. K

Gitarra ikastaroan, aukera oraindik

HERNANI IKASTAROAK

Matrikulazio epea zabalik dago gitarra ikastarorako, Kantuz musika eskolan. 9 urtetik gorako gazte eta helduentzat da, eta datorren asteartera bitarte izango da aukera, udaletxeko Herritarren Harrera Zerbitzuan, alde aurretik hitzordua eskatuta: 943 33 70 00 telefonora deitu behar da. Ordubeteko saioak izango dira arratsaldean, astean behin, urritik ekainera.

Kostaldeko Soinuak taldearen kontzertua, urriaren 23an

HERNANI MUSIKA

Kostaldeko Soinuak taldearen kontzertua izango da Hernanin, urriaren 23an, San Joan Komparsa elkarteak antolatuta. Biterin izango da, arratsaldeko 19:30etan hasita; eta dagoeneko jarri dituzte sarrerak salgai, Monica mertzerian eta Oindi tabernan, 10 euroan. Juan Mari Beltranen inguruan osatutako proiektua da Kostaldeko Soinuak, eta tartean da Ander Barrenetxea hernaniarra.

Artisau azoka gaur, Atsegindegin

HERNANI ARTISAU AZOKA

Gabiltza Elkarrekin antolatuta, kultur ekintzen programazioari jarraipena emateko artisau azoka izango da gaur Atsegindegin, goizeko 11:00etatik aurrera.

Goiz Eguzkik, gabonetako loteria

HERNANI LOTERIA

Urtero bezala, salgai jarri du Goiz Eguzkik gabonetako loteria. Urbieta kaleko Lete administrazioan erreserbatuta dute 97860 zenbakia, bazkideentzat. Dezimo osoak dira eta abenduaren 18ra arte egingo dira salgai.

Funeraria VASCONGADA
Zure eskura

24h-ko zerbitzua
943 376 980

Orkolaga, 2-4
943 55 79 01
HERNANI

www.funerariavascongada.com

Samitek
Bulego makinak salmenta eta mantenimendua
samitek@samitek.es
www.samitek.es

TOSHIBA

INFORMATIKA SAIL BERRIA

943 11 77 44

Dokumentuen kudeaketa
Ez galdu paperak

OGI BERRI

OKINDEGIA GOZOTEGIA

Kontxa etxeberrria 2
Astigarraga
943 12 64 24

ARTAN - ETXE TABERNA

Larramendi, 15
943 55 00 46